



Jens Napātók
Partii Naleraq sinnerlugu Inatsisartunut ilaasortaq

§ 37 naapertorlugu apeqqummut 178/2019-imut akissut.

- 1. Kalaallit Nunaanni Peqqinnissaqarfiit qassit aamma illoqarfiit sorliit ullaakkut, ualikkut aamma unnuakkut unnuiffigineqarsinnaallutik ullorkorsiortunit, unnukkorsiortunit aamma unnuarsiortunit pingaartoqarlutik sullissisoqartarpa?**

Akissut:

Peqqissaaviit napparsimmaviillu tamarmik aamma Dronning Ingridip Napparsimmavissua ulloq unnuarlu attavigineqartuaannarsinnaapput.

Illoqarfinni 13-ini ukunani peqqinnissaqarfik unnuaq naallugu sulisoqartarpoq; Nuuk, Ilulissat, Upernavik, Ummannaq, Aasiaat, Sisimiut, Maniitsoq, Paamiut, Tasiilaq, Qaqortoq, Nanortalik aamma Narsaq.

Illoqarfiit tallimat uku; Qaanaaq, Qasigianguit, Qeqertarsuaq, Kangaatsiaq aamma Itoqqortoormiit angerlarsimaffimmiit aggersarneqaratarnissamut pigaartoqartarpoq. Unnukkut/unnuakkut innuttaasut qitiusumik napparsimmavimmut attuumassuteqartumut attaveqarsinnaapput, qitiusumillu napparsimmaviup nalilerpagu misissuinissaq unitsitsinissarlunniit pisariaqartoq pigaartut attavigisarpai.

Unitsitsisoqartillugu peqqissaavimmi unnuk unnuarlu naallugit sulisoqassaaq.

- 2. Kalaallit Nunaanni Peqqinnissaqarfiit qassit aamma illoqarfiit nunaqarfiillu sorliit nal. 08.00 – 16.00 tungaanut ammasarpat?**

Akissut:

Apeqqummut 1-imut akissut takuuk, tassani allassimavoq illoqarfiit sorliit nal. 8-16 pisariaqartillugulu unnuakkut ammasartut. Nunaqarfinni ammasarfiit assigiinngillat.

- 3. Kalaallit Nunaanni Peqqinnissaqarfinnut qanga akileeqqaarluni Peqqinnissaqarfinni unnuisnaaneq eqqunneqarpa aamma sumi illoqarfinni akiliisitsisoqartarpa?**

Akissut:

Peqqissaaviit peqqissutsikkut sullissinnermut akileeqqusinissamut piginnaatinneqanngillat.

10-05-2019
Suliap nr. 2019 - 10870
Allakkat nr. 10694159

Postboks 1160
Oqarasuaat: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Tunngaviatigut napparsimasut Kalaallit Nunaanni Peqqinnissaqarfimmi atuisutut akileeqquneqarneq ajorput, assersuutigalugu ingerlatsisinnaanermut allagartamut uppersarsaat imaluunniit angalanissamut atatillugu kapitinneq eqqarsaatigissanngikkaanni.

Tamatumunngali tunngatillugu takuuk *"Peqqinnissaqarfimmi sullissinerit atuisullu akiliuteqartarnerat pillugit Namminersornerullutik Oqartussat nalunaarutaat nr. 5, 15. februar 2006-imeersoq"*.

4. Kalaallit Nunaanni Peqqinnissaqarfiit unnuisarfiutigisut unnuisartunut qanoq malittarisassaqarpat aamma qanoq sullinneqartarpat?

Akissut:

Napparsimasut uninngasut napparsimmavinni peqqissaavinnilu, sulisoqarfiu-juaannartuni, unnuisinnaapput.

5. Kalaallit Nunaanni Peqqinnissaqarfiit nal. 16.00 kingorna sillimasussaataaneq upalugaarsimaneq qanoq aaqqisuunneqarsimava?

Akissut:

Akissummi apeqqut innuttaasut nal. 16 kingorna tassanngaannartumik napparsimalernermi ajoqusersimanermiluunniit peqqinnissaqarfimmut attaveqarnissamut qanoq periarfissaqarnerannut tunngasutut paasineqarpoq.

Nunatsinni innuttaasut tamarmik ulloq unnuarlu oqarasuaatikkut Peqqinnissaqarfimmut attaveqarsinnaapput.

6. Kalaallit Nunaanni Nunaqarfiit nakorsiartarfillit nakorsiartarfeqanngitsullu qassit aamma sorliit nakorsaatiniik paarsisunit, Peqqinnissamut ikiortinit imaluunniit Peqqinnissamut assistentinit atorfilittaqarlutik nakkutigineqarpat?

Akissut:

Peqqinnissaqarfiup qullersaa ilisimatitsivoq nakorsaatiniik paarsisunik ukunani atorfeqartitsisoqartoq: Siorapaluk, Savissivik, Kullorsuaq, Tasiusaq, Narsarmiut, Aappilattoq aamma Ilimanaq. Peqqissaanermi ikiortit ukunani atorfeqartinneqarput: Aappilattoq, Qaarsut, Ikerasaarsuk, Niaqornaarsuk, Kangaatsiaq aamma Kuummiut. Ukunani sundhedsassistentit atorfeqartinneqarput: Kulusuk, Kangaatsiaq, Kangerlussuaq aamma Alluitsup Paa.

Nunaqarfinni allani peqqissaasunik, peqqinnissakkut sullissisunik imaluunniit ilinniarsimannngitsut nunaqarfinni innuttaasunik sullissisussatut atorfeqartinneqarput, kisianni massakkut Qeqertarsuatsiaani sulisoqanngilaq.

7. Kalaallit Nunaata sineriaa tamakkerlugu illoqarfinni sorlarni ataasiinnarmik nakorsaartoqarpa?

Akissut:

Nunatsinni illoqarfinni arfineq-marlunni tunngaviusumik ataatsimik nakorsaqarpoq. Taakku illoqarfiit tassaapput: Qaanaaq, Qasigianguit, Qeqertarsuaq, Paamiut, Ittoqqortoormiit, Nanortalik aamma Narsaq. Illoqarfiit marlunnik nakorsaqarfiusut ilaannikkut, assersuutigalugu nunaqarfinnut tikeraarnermut, sulisunik taarsiisoqarneranut assigisaannullu tunngatillugu, ataasiinnarmik nakorsaqarsinnaasarput.

8. Qanoq ilisukkut piffinni assigiinngitsuni nakorsiartarnek periarfissaqarpa?

Akissut:

Nalilerneqarpat innuttaasoq nakorsiartariaqartoq peqqinnissaqarfimmi nakorsiarnissamat periarfissaqarpoq. Peqqinnissaqarfiup sulisui nakorsiarnissamat innersuussisinnaapput. Qarasaasiakkut nakorsiartitsisarneq pissutigalugu sumi najugaqarneq apeqqutaatinnagu nakorsamit nalilersuisoqarsinnaavoq. Nakorsiartarnermut piffissat eqqarsaatigalugit apeqqutinut 2-mut aamma 5-imut akissutit innersuussutigineqarput.

Inussiarnersumik inuulluaqqusillunga

Martha Abelsen